

## 2. gr.

Útgerðarmenn skulu greiða iðgjald sem nemur 0,65% af samanlögðum launum og aflahlut sjómanna sem hjá þeim starfa hverju sinni.

## 3. gr.

Skattstjórar annast ákvörðun iðgjalds samkvæmt reglugerð þessari og skal það innheimt af innheimtumönnum ríkissjóðs, í Reykjavík tollstjóra. Ákvæði laga nr. 113/1990, um tryggingagjald, með síðari breytingum, eiga við um gjaldstofn, gjaldskyldu, greiðslutímabil, álagningu og innheimtu iðgjalds samkvæmt þessari reglugerð. Iðgjaldið innheimtist mánaðarlega ásamt tryggingagjaldi. Að tekjuári liðnu skal fara fram endanleg ákvörðun iðgjaldsins í samræmi við launaframtal og skal iðgjaldið sérgreint í álagningarskrá og skattskrá. Ríkisskattstjóri skal halda skrá yfir gjaldskylda aðila samkvæmt reglugerð þessari og skal eftir atvikum leita staðfestingar hans á iðgjaldi útgerðaraðila þegar bótaskylda Tryggingastofnunar ríkisins er ákvörðuð.

## 4. gr.

Útgerðarmenn sem þess óska geta sagt upp tryggingu skv. reglugerð þessari fyrir 1. nóvember ár hvert vegna næsta árs á eftir. Tilkynning um uppsögn skal berast Tryggingastofnun ríkisins. Eftir að uppsögn hefur öðlast gildi eiga útgerðarmenn ekki rétt á greiðslum vegna launa eða aflahlutar í forföllum vegna slysa en njóta slysatrygginga almennra launþega.

## 5. gr.

Reglugerð þessi, sem sett er með stoð í 63. gr. almannatryggingalaga nr. 117/1993, sbr. 32. gr. laga nr. 144/1995, um ráðstafanir í ríkisfjármálum á árinu 1996, öðlast gildi 1. janúar 1999.

*Heilbrigðis- og tryggingamálaráðuneytinu, 10. nóvember 1998.*

**Ingibjörg Pálmadóttir.**

*Jón Sæmundur Sigurjónsson.*

## AUGLÝSING

### um nýtt fasteignamat.

## 1. gr.

Samkvæmt 26. gr. laga nr. 94/1976, um skráningu og mat fasteigna, hefur yfirfasteignamatsnefnd ákveðið framreiknistuðla fyrir skráð matsverð fasteigna á öllu landinu með hliðsjón af breytingu verðlags fasteigna við kaup og sölu frá síðasta viðmiðunartíma matsins til 1. nóvember sl. Nefndin hefur ákveðið framreikning á matsverði fasteigna þannig:

- Matsverð íbúðarhúsa og íbúðarlóða, sumarhúsa og sumarhúsalóða og hlunninda, sbr. þó staflíði b, c, d og e hér á eftir, hækki um 5% og verður framreiknistuðull samkvæmt því 1,05.
- Matsverð íbúðarhúsa og íbúðarlóða í Grundarfirði og á Hvolsvelli hækki um 15% og verður framreiknistuðull samkvæmt því 1,15.

- c. Matsverð íbúðarhúsa í sérbýli á eftirtöldum stöðum hækki um 10%: Grindavík, Akranesi, Stykkishólmi, Vopnafirði og Þorlákshöfn og verður framreiknistuðull íbúðarhúsa í sérbýli samkvæmt því 1,10.
- d. Matsverð íbúða í fjölbýli á Ísafirði og Selfossi hækki um 10% og verður framreiknistuðull íbúða í fjölbýli samkvæmt því 1,10.
- e. Matsverð íbúðarhúsa og íbúðarlóða á Bolungarvík og í Búðahreppi verði óbreytt og verður framreiknistuðull samkvæmt því 1,0.
- f. Matsverð atvinnuhúsa og atvinnulóða á höfuðborgarsvæðinu (Reykjavík, Mosfellsbæ, Kópavogi, Garðabæ, Hafnarfirði, Bessastaðahreppi, Seltjarnarnesi) hækki um 7,5% og verður framreiknistuðull samkvæmt því 1,075.
- g. Matsverð atvinnuhúsa og atvinnulóða utan höfuðborgarsvæðisins hækki um 5% og verður framreiknistuðull samkvæmt því 1,05.
- h. Matsverð bújarða ásamt útihúsum á bújörðum hækki um 2,5% og verður framreiknistuðull samkvæmt því 1,025.

Við framreikning á ofangreindum grundvelli skal höfð hliðsjón af fyrningum samkvæmt reglum Fasteignamats ríkisins um einstakar tegundir fasteigna.

Ofangreind breyting fasteignamats er miðuð við fasteignamatsverð samkvæmt fasteignaskrá þeirri er gildi tók 1. desember 1997 með síðari breytingum ákveðnum af Fasteignamati ríkisins og yfirfasteignamatsnefnd.

#### 2. gr.

Á vegum Fasteignamats ríkisins hefur verið samin ný fasteignaskrá, þar sem matsverð einstakra fasteigna er skráð samkvæmt þeim framreiknistuðlum sem ákveðnir hafa verið samkvæmt framanskráðu. Hin nýja fasteignaskrá inniheldur einnig þær matsbreytingar sem Fasteignamat ríkisins eða yfirfasteignamatsnefnd hefur gert á einstökum eignum svo sem við endurskoðun á eldra mati og vegna úrskurða á kærnum er kunna að hafa leitt til matsbreytinga.

#### 3. gr.

Fjármálaráðherra hefur staðfest heildareintak hins nýja fasteignamats eins og það hefur verið ákveðið með ofangreindum hætti. Fasteignaskráin mun liggja frammi til sýnis á skrifstofu Fasteignamats ríkisins, Borgartúni 21, Reykjavík, frá og með 1. desember nk. Jafnframt verður eigendum fasteigna send sérstök tilkynning um breytingu á matsverði viðkomandi fasteigna.

#### 4. gr.

Með vísun til laga nr. 94/1976 tilkynnir ráðuneytið hér með að nýtt matsverð fasteigna, sem ákveðið er með ofangreindum hætti og fram kemur í staðfestri skrá Fasteignamats ríkisins, og tekur gildi frá og með 1. desember 1998.

Með auglýsingu þessari fellur úr gildi auglýsing nr. 655 20. nóvember 1997.

*Fjármálaráðuneytinu, 25. nóvember 1998.*

**Geir H. Haarde.**

*Björn Hafsteinsson.*